

Bibël për fëmijët paraqet

Jeremia, Njeriu i Lotëve



Shkruar nga: Edward Hughes
Ilustruar nga: Jonathan Hay
Adaptuar nga: Mary-Anne S.
Përkthyer nga: Arianit & Valbona Iljazi
Prodhuar nga: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2024 Bible for Children, Inc.

E drejta e kopjimit: Mund të bëni kopje ose ta shtypni këtë histori,
nëse nuk do ta shitni.

1

Jeremia ishte lindur në një familje fetare në mbretërinë e Judës. Babai i tij, Hilkiahu, ishte një prift. Familja e tij jetonte në një qytet të quajtur Anathoth, jo larg Jerusalemit. Mbase prindërit e Jeremias menduan se edhe ai do të bëhej një prift. Por Perëndia kishte plane të tjera.




2




Në kohën e lindjes së Jeremias, njerëzit e Perëndisë nuk po jetonin sipas Fjalës së Perëndisë. Pothuajse kushdo, që nga mbreti gjer tek punëtori më i fundit, adhuronin perënditë e rreme - madje edhe në Tempullin e shenjtë të Perëndisë!

3



Kur Jeremia ishte një djalë i ri, Perëndia i foli atij. "Unë të kam njohur përpara se të lindësh", i tha Perëndia Jeremias "dhe e vendosa që ti do të flasësh për Mua".


4



Thirrja e Perëndisë duket se e trembi Jeremian. "Ah Zot Perëndi" thirri ai. "Unë nuk mund të flas, sepse jam një fëmijë". Ai ishte më i madh se një fëmijë - ai ishte njëzet vjeç. Por Jeremia

mendonte se nuk fliste dot për Perëndinë në mes të gjithë asaj ligësie që e rrethonte.


5



"Mos ki frikë", i dha zemër Perëndia Jeremias. "Shko kudo që unë do të dërgoj. Thuaj çdo gjë që do të them.

Unë jam me ty dhe do të të shpenjoj". Pastaj Perëndia bëri diçka të veçantë. Perëndia preku gojën e Jeremias.

6



Perëndia i dha Jeremias, forcë, guxim dhe urtësi. Ai foli pa ndroje, duke i kujtuar njerëzit se Perëndia i do dhe dëshiron ti ndihmojë. Por askush nuk ia vinte veshin. Madje as mbreti.

7



Madje priftërinjtë u zemëruan me të dhe i thanë të pushojë së foluri për Perëndinë. Kishte edhe nga ata profetë të rremë që thanë se Jeremia nuk po tregonte të vërtetën.

8

Jeremia i kujtoi njerëzit se përpara rreth njëqind vitesh mbretëria e veriut e kishte braktisur Perëndinë. Armiqtë e tyre, Asirianët, i pushtuan dhe i degdisën në vende të largëta.




9



Tani njerëzit e Judës, mbretëria e jugut, e kishin braktisur Perëndinë. Ndërkohë ushtritë armike po afroheshin! A do ti linte Perëndia njerëzit e Tij, të pushtoheshin dhe degdiseshin larg.

10

Njerëzit u besonin idhujve të tyre. A mundeshin idhujt ti shpëtonin ata nga armiqtë e tyre? Jo! Vetëm Perëndia mund ti shpëtonte ata. Njerëzit u zemëruan kaq shumë me Jeremian, saqë ata bënë një plan për ta vrarë atë. Por Perëndia e mbrojti shërbëtorin e Tij.



11

Më në fund Perëndia tha diçka që do ta ketë tronditur thellë Jeremian. Perëndia tha, "Mos u lut për këta njerëz. Unë nuk do ti dëgjoj kur ata të më thërrasin për ndihmë".



12

Jeremia e paralajmëroi mbretin se ai do ta humbiste betejën me ushtrinë e Babilonisë. Mbreti u zemërua dhe e futi Jeremian në burg. Edhe pse në burg, Jeremia vazhdoi të predikojë dhe ti besojë Perëndisë.



13


Pasi doli nga burgu, Jeremia sërish i predikoi mbretit dhe popullit se duhet të ktheheshin tek Perëndia dhe të vendosnin besimin tek Ai. Kësaj rradhe mbreti e zbriti Jeremian në mes të një biruce të thellë dhe plot llucë.



14

Por Perëndia po punonte në zemrën e mbretit. Ai fshehtasi e nxorri prej birucës Jeremian dhe e pyeti se çfarë Perëndia donte që mbreti të bënte.

"Shko në robëri, dhe Perëndia thotë se do të jetosh", ishte përgjigjia.



15

Ushtria Babilonase e pushtoi Jerusalemin dhe gjithë Judenë. Ata rrafshuan muret dhe gjithë ndërtesat, dhe dogjën gjithçka. Perëndia tha se njerëzit e Tij do të shkonin në internim për shtatëdhjetë vjet,

dhe pas kësaj Ai do ti sillte ata sërish në vendin e Premtuar.



16

Jeremia, Njeriu i Lotëve


Një tregim nga Fjala e Perëndisë, Bibla

e marrë nga

Jeremias

"Zbulimi i fjalëve të tua ndriçon dhe u jep mendje njerëzve të thjeshtë."
Psalmet 119:130

17



28

60

18

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkate. Dënimi për mëkatin është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të t'i falë mëkatet e tua, Ai do ta bëjë atë! Ai do të vijë dhe do të jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu: Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

19